

長蘆鹽法志

長蘆鹽法志卷七

律令

律例

考成

緝私

王者制事立灋。壹稟於律。而下令如流水之源。朴是資也。矧鹽政乎。然鹽政於禁暴止貪。則又無者。科條不設。則私煎私販滋多。官怠役疲。養廉貽惠。致歲多積引。場有餘鹽。商竈均受其困。惟我

聖朝。準灋宜民。寬嚴互用。出惟行。弗惟反。務使凜然。知所大畏。不敢以身試之。斯德意行乎其間矣。志律令。

律例

凡犯無私鹽

凡有確貨即是。不必藏之多少。

者杖一百徒三年。若

帶有軍器

者加一等。

流二千

誣指平人者加三等。

流三

拒捕者斬。監候

鹽貨車船頭匹並入官。

道塗引領手

牙人及窩藏

犯寄頓貨

者杖九十。徒二年半。

受雇挑擔馱載者。與例所謂肩挑背負者不同。

杖八

十。徒二年。非應捕人告獲者。就將所獲私鹽。給付告人充

賞。

同服中

有一人能自首者。免罪。

一體給賞。

若有一人自犯而自首。止免罪。不賞。

仍追原贓。

若私

事發。止理見獲人鹽。

如獲鹽不獲人者。不追。當獲人不獲鹽者。不坐。

當

該官司不許

聽其

展轉攀指。違者

官

以故入人罪論。

謂如人鹽同獲

止理見發。有確貨無犯人者。其鹽沒官。不須追究。

凡鹽場丁人等除辦茂正額鹽外。夾帶餘鹽出場及私煎鹽

貨賣者。同私鹽法。該管總催知情故縱。及通同貨賣者。與犯

人同罪。

凡婦人有犯私鹽。若夫在家。或子知情。罪坐夫男。其雖有大

而遠出。或有子幼弱。罪坐本婦。決杖一百。餘罪收贖。

凡買食私鹽者。杖一百。因而貨賣者。杖一百。徒三年。

凡管理鹽務。及有巡緝私鹽之責。文武各衙門。巡獲私鹽。卽

發有司歸勘。原獲各衙門不許擅問。若有司官吏通同原獲各衙

門脫放者。與犯人同罪。受財者。計贓以枉法從之。其罪重論。

凡管理鹽務及有巡緝私鹽之責文武各衙門設法差人於

該管地面並附場緊關去處常川巡禁私鹽若有透漏者

關津把截官及所委巡鹽人員初犯笞四十再犯笞五十

三犯杖六十

公罪

並罷職役若知情故縱及容令軍兵隨同

販賣者與犯人同罪

私罪

受財者計贓以枉法從重論其

巡獲私鹽入已不解官者杖一百徒三年若裝誣平人者

加三等

杖一百流
三千里

凡起運官鹽每引照額定勛數爲一袋並帶額定耗鹽經過

批驗所依引數掣掣秤盤

隨手取袋
掣其輕重

但有夾帶餘鹽者同

私鹽法。若客鹽越過批驗所。不經掣拏。及引上關防者。

杖九十。押同逐盤驗。盡盤鹽而驗之。有餘鹽以夾帶論罪。

凡客商販賣有官鹽。當照引發鹽不許鹽與引相離。違者同私鹽

法。其賣鹽了畢。十日之內。不繳退引者。笞四十。若將

舊引不繳影射鹽貨者。同私鹽法。

凡起運官鹽。并竈戶運鹽上倉。將帶軍器。及不用官船起運者。同私鹽法。

凡客商將驗過官鹽。插和沙土貨賣者。杖八十。

凡將有引官鹽。不於拘定應該行鹽地面發賣。轉於別境犯界

貨賣者杖一百。知而買食者杖六十。不知者不坐。其鹽入官。

一。越境

如淮鹽越過浙鹽地方之類。

與販官司引鹽至三千觔以上者。問

發附近地方充軍。其客商收買餘鹽買求掣掣至三千觔以上者亦照前例發遣。經過官司縱放及地方甲鄰里老知而不舉各治以罪。巡捕官員乘機與販至三千觔以上亦照前例問發。

須至三千觔不及三千觔在木行鹽地方雖越府省仍依本律。

一。凡偽造鹽引印信賄囑運司吏書人等將已故並遠年商人名籍中鹽來歷填寫在引轉賣誑騙財物為首者依律

處斬外。其爲從並經紀牙行店戶。運司吏書。一應知情人等。但計贓滿數應流者。不拘曾否支鹽出場。俱發近邊充軍。

一。各鹽運司總催名下。該管鹽課納完者。方許照名填給通關。若不曾納課總催買囑官吏。並覆盤委官。假指課已倉指上國扶同作弊者。俱問發近邊充軍。

一。各處鹽場無籍之徒。號稱長布衫。趕船虎。光棍。好漢等項。名色把持官府。詐害客商。犯該徒罪以上。及再犯杖罪以下者。俱發近邊充軍。

一。凡豪強鹽徒聚衆至十人以上。撐駕大船。張挂旗號。擅用兵仗響器。拒敵官兵。若殺人及傷三人以上者。比照強盜已行得財律。皆斬。爲首者。仍梟首示衆。傷二人者。爲首。斬決。爲從。絞監候。傷一人者。爲首。斬監候。爲從。發黑龍江等處。給與披甲人爲奴。其雖拒敵。不曾殺傷人。爲首。絞監候。爲從。流三千里。若貧難軍民。將私鹽肩挑背負。易米度日者。不必禁捕。

一。凡兵民聚衆十人以上。帶有軍器。與販私鹽。拒捕殺人。及傷三人以上。爲首。並殺人之犯。斬決。傷人之犯。斬監候。未

曾下手殺傷人者。發近邊充軍。傷二人者。爲首斬。下手者絞。俱監候。傷一人者。爲首絞。監候。下手者。發黑龍江等處。給與披甲人爲奴。爲從滿流。其雖帶有軍器。不曾拒捕者。爲首。發近邊充軍。爲從。流二千里。若十人以下。拒捕殺人。不論有無軍器。爲首者斬。下手者絞。俱監候。不曾下手者。發近邊充軍。傷至二人以上者。爲首者斬。監候。下手之人。絞。監候。止傷一人者。爲首絞。監候。下手之犯。杖一百。流三千里。其不曾下手者。仍照私鹽本律治罪。其不帶軍器。不曾拒捕。不分十人上下。仍照私鹽律。杖一百。徒三年。若十

人以下。雖有軍器。不曾拒捕者。爲首亦照私鹽帶有軍器。加一等律。杖一百。流二千里。爲從杖一百。徒三年。其失察文武各官。交部議處。有挈獲大夥私販者。交部議叙。

一。凡竈丁販賣私鹽。大使失察者。革職。知情者。枷號一箇月。發落。不準折贖。該管上司官。俱交該部議處。

一。凡同空糧船。如有夾帶私鹽。闖關闖關。不服盤查。聚至十人以上。持械拒捕殺人。及傷三人以上者。爲首並殺人之入。擬斬立決。傷人之犯。斬監候。未曾下手殺傷人者。發近邊充軍。其雖拒捕。不曾殺傷人。爲首。絞監候。爲從。流三千

里十人以下。拒捕殺傷人者。俱照兵民聚衆十人以下例。分別治罪。頭船旂丁頭舵人等。雖無夾帶私鹽。但闖關闖關者。柳號兩箇月。發近邊充軍。隨同之旂丁頭舵。照爲從例。柳號一箇月。杖一百。徒三年。不知情不坐。賣私之人及竈丁。將鹽私賣與糧船者。各杖一百。流二千里。窩藏寄頓者。杖一百。徒三年。其雖不闖關闖關。但夾帶私鹽。亦照販私加一等。流二千里。兵役受賄縱放者。計贓以枉法從重論。未受賄者。杖一百。革退。販私地方之專管官。兼轄官。及押運官。並交部議處。隨幫革退。其雖無夾帶私鹽。倚恃糧

船聞開闢開者押運等官革職隨幫責三十板革退不服盤查持械傷人者押運等官革職隨幫責四十板革退倘關開各官勒索畱難運官呈明督撫參處。

一。挈獲販私鹽犯承審官務須先將買自何人何地以及買鹽月日數目究明提集犯證并密提竈戶煎鹽火伏簿扇查審確實將賣鹽及窩頓之人均與本犯按照律例一體治罪。若查審無據卽屬虛誣將本犯依律加三等治罪。如承審官不能審出誣扳者交部分別議處。若審出買自場竈卽將該管鹽場大使並沿途失察各官題參議處。其不

行首報之竈丁。均照販私例治罪。

一。凡大夥興販聚眾拒捕。及執持器械殺傷巡役人等。脫逃之梟徒。照強盜例勒緝。地方文武各官疎縱。及上司容隱不參。交部議處。

一。掣獲私鹽。限四箇月完結。其案內私鹽。與本處鹽商。照官鹽價值。立即變價。所獲騾馬牛驢。如延挨不變。以致倒斃。著落該州縣官。照中等價值賠補。車船等物。亦照依時價據實變價。報部查核。倘有侵漁捏報情弊。並逾限不行完結。及不即變價報解者。將該州縣分別議處治罪。

一。鹽船在大江失風失水者。查明準其裝鹽復運。倘有假捏情弊。以販私律治罪。

一。除行鹽地方。大夥私販。嚴加緝究外。其貧難小民。年六十歲以上。十五歲以下。及年雖少壯。身有殘疾。並婦女年老孤獨無依者。於本州縣報明。驗實註冊。每日赴場買鹽四十觔。挑賣。只許陸路。不許船裝。並越境至別處地方。及一日數次出入。如有違犯。仍分別治罪。

一。巡鹽兵捕。自行夾帶私販。及通同他人運販者。照私鹽加一等治罪。

一。凡收買肩販官鹽越境貨賣。審明實非私梟者。除無拒捕情形。仍照律例問擬外。其拒捕者。照罪人拒捕律。加罪二等。如與販本罪應問充軍者。仍從重論。倘拒捕毆人。至折傷以上者。絞殺。殺人者。斬。俱監候。爲從各減一等。

一。鹽商雇募巡役。如遇私梟大販。卽飛報營汛。協同捕拏。其雇募巡役。不許私帶鳥鎗。違者。照私藏軍器律治罪。失察之地方官。交部照例議處。

一。凡運鹽船戶。偷竊商鹽。整包售賣者。照船戶行竊商民例。分別首從。計贓科罪。各加枷號兩箇月。仍盡本法刺字。所

賣之贖照追給主如追不足數將船變抵其押運商廝起
意通同盜賣者依奴僕勾引外人同盜家長財物計贓遞
加竊盜一等例治罪如非起意止通同盜賣分贓者依奴
僕盜家長財物照竊盜例計贓科斷若商廝稽察不到被
船戶乘機盜賣者照不應重律杖八十如押運之人或繫
該商親族仍分別有服無服照親屬相盜律例科斷

一。埠頭明知船戶不良朦混攬裝及任意扣剋水脚致船戶
途間乏用盜賣商鹽者照寫船保載等行恃強代攬勒索
使用擾害客商例治罪外加枷號一箇月船戶變賠不足

之贓並令代補如無前項情弊止於保雇不實者照不應
重律杖八十。

一販賣私鹽數至三百觔以上及盤獲糧船夾帶訊繫大夥
與販均卽究明買自何處按律治罪如不將賣鹽人姓名
據實供出者卽將該犯於應得本罪上加一等定擬若向
老幼孤獨零星收買數在三百觔以下實不能供出賣鹽
人姓名者仍以本罪科斷如承審各員有心庇縱含混完
結該管上司不行詳揭一并題參議處。

一。掣獲船載車裝馬馱私鹽該地方官如不按律治罪曲爲

開脫者該管上司察出卽照故出入罪律從重參處。

一。引鹽淹消具報到官該地方州縣官卽會同營員查勘確實限一月內通詳鹽道該道於詳到之日起限半月內核轉以憑飭商補運限三月內過所運口岸該鹽政仍將淹消補運鹽觔數目報部其沿途督撫及該管鹽道知府隨時查察如有州縣營員扶同商人捏報及勒索捺攔情弊卽行指名題參商人照例治罪。

監臨勢要中鹽

凡監臨鹽法官吏詭立名及內權勢之人中納錢糧於各請買倉庫

鹽引勘合支領官侵奪民利者杖一百從三年鹽貨入官

鹽引勘合追繳

阻壞鹽法

凡客商赴官中買鹽引勘合不親赴場支鹽中途增價轉賣以致

轉賣日多中買日少阻壞鹽法者買主賣主各杖八十牙

保減一等買主轉賣之價錢並入官其地方鋪

戶轉買本主之折賣者不用此律

人戶虧兌課程

凡民間遇歲額辦茶鹽商稅諸色課程年終不納齊足者計

不足之數以十分爲率。一分笞四十。每一分加一等。罪止杖八十。追課納官。若茶鹽運司、鹽場茶局及稅務河泊所等官不行用心催辦課稅。年終比附上年課額虧欠兌關者亦以十分論。一分笞五十。每一分加一等。罪止杖一百。所虧課程著落追補還官。若人戶已納而有隱瞞附簿因侵欺用者并計贓以監守自盜論。

一鹽課錢糧不完者將經督各官照分數議處外其各商名下應完鹽課作爲十分欠不及一分者責二十板二分者枷號一箇月半責二十五板欠三分者枷號兩箇月責三

十板。欠四分者。枷號兩箇月半。責三十五板。欠五分者。枷號三箇月。責四十板。以上欠課各商。題參之日。扣限一箇月。全完者免處。如逾限不完。照此例。枷責如於枷限內。照數全完者。釋放免責。如枷限滿日。仍全不完納。除杖責外。將該商咨參革退。並帶徵等項。俱以引窩變抵。欠六分者。將該商杖六十。徒一年。所欠課項。限四箇月全完。欠七分者。杖七十。徒一年半。限六箇月全完。欠八分者。杖八十。徒二年。限八箇月全完。欠九分者。杖九十。徒二年半。限十箇月全完。欠十分者。杖一百。徒三年。限一年全完。以上自六

分至十分。將該商鎖禁嚴查家產。如限內全完革退商人。免其杖徒。倘逾限不完。卽將該商發配所欠新課帶徵等項著落引窩家產變抵。

人戶以籍爲定

凡軍民驛竈醫卜工樂諸色人戶。並以原報冊籍爲定。若詐軍作

民冒民匠脫匠免避已重就人輕者杖八十。其官司妄準脫

免及變亂改軍爲民。改民爲匠。版籍者罪同。

一。各處衛所官軍人等。及竈戶置買民田。一體坐派糧差。若不納糧當差。致累里長包賠者。俱問罪。其田入官。

一。八旗從前投充及乾隆元年以前契買家奴果原繫竈戶祖父姓名籍貫確有證據令該大使查明出具印甘各結詳報該管上司核明行文該處查提準其放出歸竈仍將賣身之人柳號三箇月引進保人柳號兩箇月各責四十板追取原價給主其並非竈丁指稱竈丁抗違家主者杖一百仍行給主。

一。大夥梟徒拒捕傷差案內凡得贓包庇之兵役俱擬斬監候私售之竈丁及窩頓之匪犯俱發伊犁烏嚕木齊等處爲奴。

順治十四年題準。勢豪不許占攬引窩。商鋪不許自定價值。如有專利害民。串通經紀。攬賣勒索等弊。該御史嚴行禁飭。

順治十七年題準。鹽船過關。止納船料。如有藉端盤驗。額外苛求者。以枉法治罪。

康熙二十七年覆準。各場折課等銀。令竈總分催。各竈自封投匭。如劣衿蠹役。營充竈總。包攬收納。照包攬州縣錢糧例治罪。

康熙二十八年題準。鹽店設立小票私畜鹽丁。槩行禁止。有

擅用者照違禁例治罪。

雍正元年議準。杜絕糧船私販。將爲首旗丁。按法重處。

鹽引相離

一。商人運鹽。不準鹽引相離。違者同私鹽法。

掣盤鹽觔

一。商人運鹽。經過批驗所。依數掣盤。有夾帶餘鹽者。同私鹽法。若私越批驗所。不經掣盤者。亦按律治罪。押回掣盤。

不繳殘引

一。商人賣鹽已畢。十日內不繳殘引者。按律治罪。將殘引重

復行鹽者同私鹽法。

攪和沙土

一。竈戶將官鹽攪和沙土者。照丁舵已經攪和漕糧例治罪。官鹽提舉大使如繫縱容。照攪和漕糧。連弁不行查禁例議處。如止失於覺察。量減一等。若知情受賄。照枉法贓從重治罪。官鹽著令經管官名下煎贖。

一。各省官辦鹽觔。每年開煎時。管鹽官將樣鹽呈送鹽政衙門。驗發鹽道收貯。如分發各屬行銷。有夾帶泥沙者。許承銷州縣呈報究參。倘明知攪和。不行呈報。將贍徇容隱之

員一并題參

一。商人將官鹽攙和沙土貨賣者。查究治罪。

官吏行鹽

一。監臨鹽法官吏。及內外權勢之人。詭立偽名。領引行鹽。侵奪民利者。查參治罪。追繳引票。鹽觔入官。

場鹽離垣

一。鹽場設立公垣。場官專司啟閉。竈戶煎鹽。俱令堆貯垣中。與商交易。如藏私室及垣外者。卽以私鹽論。商人領引赴場。亦在垣中買築。場官驗明放行。倘有私販夾帶等弊。該

場官役。一并參處。

糧船食鹽

一。漕船受兌同空。每船往返各準帶食鹽四十觔。於查鹽處聽官秤驗。如有多帶。照私鹽律科罪。若零星秤出餘數。僅及二三觔。非繫影射夾帶者。不坐。所餘之鹽。仍變價入官。

商人欠課

一。商人未完鹽課。於奏銷時題參。自題參日。扣限一箇月。再不能完。按所欠分數治罪。欠不及一分者。笞五十。欠一分者。枷號一箇月。笞五十。欠二分者。枷號一箇月半。杖七十。

欠三分者。柳號兩箇月。杖八十。欠四分者。柳號兩箇月半。杖九十。欠五分者。柳號三箇月。杖一百。所欠於柳限內全完。釋放免責。柳限外全不完納。折責之外。仍革退商名。所欠以引窩變抵。又欠課至六分者。杖六十。徒一年。限四箇月全完。欠七分者。杖七十。徒一年半。限六箇月全完。欠八分者。杖八十。徒二年。限八箇月全完。欠九分者。杖九十。徒二年半。限十箇月全完。欠十分者。杖一百。徒三年。限一年全完。自欠六分至十分。均將該商卽行鎖禁。嚴查家產。限內全完。革退商名。免其杖徒。限外不完。該商發配。所欠以

引窩家產變抵

船戶盜賣商鹽

一。各省商運鹽觔。如船戶實有勾串私梟盜賣。爬搶情事。準該商呈明地方官。一面將船戶等查拏治罪。一面轉報該鹽政核實所失鹽數。補配行運。將失去原鹽。在各犯名下勒追變價。報部充餉。若地方官於商人呈報時。不卽據報準理。故行抑勒者。指名題參。倘查繫商人串通船戶盜賣。捏報搶竊者。照私鹽例治罪。

隱佔竈地

一。各場竈地止準竈戶管業。不準豪右隱佔。違者治罪。

凡場竈照額煎鹽。大使親驗。按月開報運司。如有隱匿以通同治罪論。不許混派雜役。

順治十七年十一月。巡鹽御史李贊元疏言。各場竈丁。罪重徒犯。拘收在官。責令照徒年限煎鹽。如徒限未滿。於場中再有私販。擬以加煎之條。仍發場中。每名每日。令其納鹽三觔。每觔折銀一釐。此官煎官竈時所立之法也。今煎非官煎。竈歸私竈。而場竈私販。仍問調場加煎之例。並未見有折銀之行。相沿已久。承問各官。率多習而不察。大非前

人立法之意。况律載鹽場竈丁人等。夾帶餘鹽出場貨賣者。卽同私鹽。應杖一百。徒三年。查民間有犯三年徒罪者。卽稍有力。亦納銀十兩八錢。而竈有加煎之名。並無究擬之實。亦何樂有此問擬之虛名耶。臣以爲今後凡有竈戶犯罪。仍照鹽法條例問擬。與民一體納贖。不得異同。庶法重而犯者自少。所謂宜有變通者此也。竈丁爲鹽法根本。倘遇凶荒流亡轉徙。亦根本之慮。邇年以來。恤竈之方闕焉未講。不知各場竈戶濱海而處。貧乏者多。日夜煎辦。無時休息。其拮手裸體勞筋苦骨之狀。良可憫惻。臣以爲自

今以後。凡干礙鹽法。徒杖人犯罪贖。與夫場竈與販照律問擬者。春夏仍追銀解部。秋冬糴穀上倉貯。各分司衙門。倘遇凶荒災眚。卽查竈丁貧富計其戶口。賑穀多寡。則貧竈得以安生。無可逃竄向隅之悲。所謂宜先撫恤者此也。部議鹽法內一應罪贖。與與販私鹽變價及贖罪銀俱繫解部充餉。不便更易。其竈戶照民例納贖。據稱法重而犯者自少。應如該御史所議。每於年終仍將問過若干起數。鹽觔變價。並贖銀細數造冊送部。不得隱漏。

康熙四十五年。江寧織造通政使兼兩淮巡鹽御史曹寅敬

抒管見。培益鹽法一疏。言私販之害官引。俱繫積臬巨圉。冥頑所臻。若不繩之以法。則罔知畏懼。近奉部議。以鹽學關差。俱不準動刑。若鹽差不準動刑。私販何能斂跡。官引日致壅滯。伏乞俯念鹽差。非同學關之差可比。請將私販按法究處。部議應如所題。私鹽之徒。準其用刑。除正罪犯外。其餘禁止。不許妄用刑法。

雍正六年。巡鹽御史鄭禪寶奏言。奏銷未完。經督各官。均按分數處分。而欠課商人。未有處分之例。是以長蘆各商。固結陋習。延挨觀望。若將該商參革。只以引窩抵變。並無議

處而該商反得脫然局外。請照所欠分數指名題參。

杖責

按照所欠分數多寡定擬詳前則例。

再額徵錢糧果能於歲內全完者。臣衙

門按其課項多寡量給花紅扁額。再從前蘆商積欠一百十五萬四千八百餘兩。分作十二年帶徵。除徵收外。下剩八年未徵銀七十九萬七百餘兩。如有踴躍急公。不俟八年。於六年內全完者。仰祈交部議叙。或於四年二年內全完者。分別等第從優議叙。下部議行。

雍正六年議準。刑部尙書勵杜訥條奏。請申販私窩縱之法四款。一。宜根究窩頓之家。凡挈獲私鹽。必詳究其買自何

地賣自何人嚴拏到案與私販者一體科罪。一。無引私鹽之禁宜定。越境典販有引之鹽。問以軍罪。無引私鹽。止科杖徒。似於法太疎。請嗣後私鹽三千觔以下。仍照律杖徒三千觔以上。問邊衛充軍。一。當嚴有司開脫之弊。官役利在獲鹽。不擒梟犯。多致漏網。嗣後獲鹽務期獲人。如故爲疎縱。官從重議處。役加倍治罪。一。宜嚴申報不實之罪。嗣後隱匿肥己不報。與減報少者。計贓照枉法律治罪。未曾侵匿者。照徇隱例處分。各上司知情故縱及不知情而未揭參者。照徇庇失察例處分。

乾隆六年四月刑部覆準廣東按察使潘思渠條奏嗣後私販誣扳平人者仍照律加三等杖一百流三千里再誣告例載拖累致死一二人者絞監候今私販誣扳既與誣告同科則拖累致死亦應照誣告例定擬

乾隆十七年四月巡鹽御史吉慶牌稱認地行鹽原不容攙越律載凡將有引官鹽轉於別境犯界貨賣者杖一百是應治罪者惟轉於別境貨賣之人非謂必追究本境賣鹽之商也卽例載挾獲私鹽亦指窩頓及場竈而言并未有連賣商一并治罪之條誠以商店賣鹽原不能一一認識

買鹽之人。若必株連商店。匪特無辜受累。適爲奸胥蠹役作生涯。是以淮浙司道會詳。越境官鹽事發。止理見獲人鹽。不提商店。爲法甚善。今查蘆東所屬。罕獲越境官鹽報案。往往詳請。關提鄰境之商店。殊屬節外生枝。合亟飭禁遵行。

考成

鹽政任滿由京畿道考核

凡商之徵責之運使鹽道引之行責之州縣官課登引疏通者予敘課有逋負引有稽滯者劾議各計其分數而殿最之

凡巡鹽御史如有不病商民查出鹽務隱匿情弊多得課銀以濟國用者從優議敘

鹽員大計考核

大計之年鹽官內有操守廉潔才具優長政事勤敏者令各

該鹽政會同該督撫或兼管鹽務之督撫密行考核賢否
開具事實保題有干六法者亦照六法例題參議處

鹽課初參

一兼管鹽務之知縣知州知府布政使各道欠不及一分者
停其陞轉欠一分以上者降俸一級欠二分三分者降職
一級欠四分五分者降職三級欠六分七分者降職四級
以上俱令戴罪督催停其陞轉完日開復欠八分以上者
革職

一運司提舉司分司大使等官繫專管鹽課之官欠不及一

分者。停其陞轉。罰俸一個月。欠一分者。罰俸一年。欠二分者。降職一級。欠三分。降職二級。欠四分者。降職三級。欠五分者。降職四級。以上俱令戴罪督催。欠六分以上者。俱革職。

一。巡撫管理通省糧餉。共鹽課考成。欠一分者。罰俸三個月。欠二分者。罰俸六個月。欠三分者。罰俸九個月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分者。降職二級。欠九分者。降職三級。欠十分者。降職四級。以上俱令戴罪督催。停其陞轉。

一。署運司、提舉司、分司、大使等官、署事官員、欠不及一分者、
罰俸三個月、欠一分者、罰俸六個月、欠二分者、罰俸九個
月、欠三分者、罰俸一年、欠四分五分者、降一級調用、欠六
分七分者、降二級調用、欠八分以上者、革職、署印不及一
月者、免議、署司道府縣事兼理官員、欠一分二分者、罰
俸三個月、欠三分四分者、罰俸六個月、欠五分六分者、罰
俸九個月、欠七分八分者、罰俸一年、欠九分十分者、降一
級調用、署印不及一月者、免議。

鹽課限滿

一。鹽課被參後。州縣大便等官。限一年。其年限內不完。不復作分數。照原參分數處分。州縣等官。欠不及一分。一年內不全完者。降一級留任。再限一年。戴罪催完。如再不完。照伊所降一級調用。欠一分二分。一年內不全完者。降三級調用。欠三分四分。一年內不全完者。降四級調用。欠五分六分。一年內不全完者。降五級調用。欠七分以上。一年內不全完者。革職。

一。兼管鹽法之布政使各道。并知府。直隸知州。被參後。限一年半全完。如欠不及一分。年限內不全完者。降職一級。停

其陞轉欠一分二分年限內不全完者降三級調用欠三分四分年限內不全完者降四級調用欠五分六分年限內不全完者降五級調用欠七分以上年限內不全完者革職。

一。運使提舉分司被參後限年半全完至運使提舉繫專管鹽課之官應照布政使地丁錢糧例處分。地丁錢糧限滿巡撫布政使管錢糧道官知府直隸州知州原欠不及一分者限內不全完降一級戴罪督催再限內不全完降二級戴罪督催三限內仍不全完者降三級調用其餘分司大使照州縣官俱照州縣例處分。州縣例註下地丁錢糧限滿州縣官原欠不及一分年限內不全完者降一級留任再限一

年督備。如又不能完。照伊所降一級調用。原欠一分。年限內不全完者。降三級調用。如果能催徵完。至八九釐者。降三級留任。再限一年督催。如仍不全完者。降三級調用。原欠二分。年限內不全完者。降四級調用。原欠三分。年限內不全完者。降五級調用。原欠四分以上。年限內不全完者。革職。如年限鹽課繫原被參之官。限內不完者。不復作分數。仍照原參分數題參。如繫接徵接催官員。以到任之日爲始。接徵州縣大使等官。限一年。接催布政使。道府直隸知州。運使等官。限年半。接催巡撫。限二年。如不能完。題參之日。照見在未完分數。以初參例處分。

銷引

一。銷引欠一分者。停其陞轉。欠二分者。降俸一級。欠三分者。降俸二級。欠四分者。降職一級。欠五分者。降職二級。欠六分者。降職三級。欠七分者。降職四級。以上俱令戴罪督銷。欠八分以上者。革職。其戴罪督銷者。限一年銷完。如限年內不完。照徐淮等倉錢糧年限內未完例處分。徐淮等倉錢糧被參後。州縣官限一年內全完。如原欠不及一分。一年內不全完者。罰俸一年。欠一分二分。一年內不全完者。降三級調用。欠三分四分。一年內不全完者。降四級調用。欠五分六分。一年內不全完者。降五級調用。欠七分八分。一年內不全完者。革職。接徵官員。以到任之日為始。亦限一年。如不能完。題參之日。照見在未完分數。以初參例處分。如行鹽地方各官。有私派戶口。勒買銷引者。州縣官革職。未

經查報之司道府等官各降三級調用。巡鹽御史及兼理鹽法巡撫不行查參者將御史降一級調用。巡撫降一級留任。如鹽引不行題明私自挪撥者該管官各降一級調用。巡鹽御史降一級留任。兼管巡撫罰俸一年。其前官已完銷引不行送部者及保題鹽引遲延者或申報鹽引前後矛盾者將該管官罰俸一年。巡鹽御史及兼管巡撫俱各罰俸六個月。

長蘆代銷鹽引

一。長蘆州縣督銷鹽引如實遇水旱災傷鹽引不能銷售經

鄰邑代銷者。該督暨該鹽政據實聲明。免其議處外。其並非災歉之歲。銷引不及分數。雖鹽已代銷。仍按其未完分數查參。照例議處。於次年詳加察核。如能比上年多銷一分。準將上年處分題請開復。其本年查有未完分數。仍行照例查參。如不能多銷。或更不及上年分數。除上年處分。不準開復外。仍按本年未完分數查參議處。統再俟次年比較多少。分別查辦。至本地備銷額引。業至八分以上。其通融代銷。僅止一二分者。毋庸議處。

鹽引賣與別縣

一。此縣之引賣與別縣者。未經查報之府廳官。罰俸一年。布政使按察使。罰俸六個月。

巡鹽御史考核

一。巡鹽御史。鹽課欠不及一分者。罰俸一年。欠一分以上者。降俸二級。欠二分以上者。降職一級。留任。欠三分以上者。降職二級。留任。欠四分以上者。降三級。調用。欠五分以上者。降四級。調用。欠六分以上者。降五級。調用。欠七分以上者。革職。

直隸州鹽務責成州同州判

一。各直隸州督銷鹽引。巡緝私鹽。原繫府同知經管者。改歸州同。原繫通判經管者。改歸州判。其無州同者。歸於州判兼管。無州判者。俱交與州同管理。如銷引不完。以及巡緝私鹽不力者。該撫查參。照例議處。

各省徵課銷引全完議敘

一。各省經徵鹽課督銷鹽引。催徵各官。能於奏銷前。催徵全完。或前官並未徵解。接任官於奏銷前。催徵全完。總以一官全完一年課引者。無論正署。俱照地丁錢糧全完例議敘。州縣官經徵一應起運本年錢糧五萬兩以下。一年內全完者。紀錄一次。五萬兩以上。十萬兩以下。一年內全完者。紀錄一次。

完者紀錄二次。十萬兩以上。一年內全完者。紀錄三次。督
催知府。直隸知州。及管錢糧道官。十萬兩以下。一年內全
完者。紀錄一次。十萬兩以上。二十萬兩以下。一年內全完
者。紀錄二次。二十萬兩以上。一年內全完者。紀錄三次。督
催布政使。五十萬兩以下。一年內全完者。紀錄一次。五十
萬兩以上。一百萬兩以下。一年內全完者。紀錄二次。一百
萬兩以上。一年內全完者。紀錄三次。督催鹽政。五十萬兩
以下。一年內全完者。紀錄一次。五十萬兩以上。一百萬兩
以下。一年內全完者。紀錄二次。一百萬兩以上。一年內全
完者。紀錄三次。督催鹽政。五十萬兩以下。一年內全完者。
紀錄一次。五十萬兩以上。一百萬兩以下。一年內全完者。
紀錄二次。一百萬兩以上。一年內全完者。紀錄三次。督
年帶銷之項未完者。亦不準議敘。令該督撫鹽政。於題銷
疏內。分晰聲明。以憑核議。如有未完捏報全完者。俱照地
丁錢糧捏報全完例議處。經徵州縣官。將未完之錢糧。捏
以全完轉報。或一年內。二三官
徵完之錢糧。捏為一官徵完。申報者。州縣官革職。司道府
官。各降二級調用。巡撫降一級調用。如州縣官申報未完。
司道府作完申報者。司道府革職。州縣官免議。如司道府
申報未完。巡撫作完題報者。巡撫革職。司道府免議。如起

解錢糧並未起解。申報起解。或庫內無銀。申報有銀者。各降二級調用。巡撫罰俸一年。如一應批迴未領。稱爲已領。未發稱爲已發者。各罰俸一年。

煎販私鹽

一。官員該管界內。有伊衙役。私行煎販。或私賣者。本官不能覺察。別經查出者。革職。其軍民人等。在伊界內。私行煎鹽。或私賣。不能覺察。別經查出者。降三級調用。兼轄官降一級。罰俸一年。如該管官自行拏獲者。免議。或自行查出。未經拏獲。詳報通緝者。俱照例革職。降級留任。限一年緝拏。逾限不獲。仍照例降革。其兼轄之上司。俱免議。如旂下人

私鹽事發伊主繫官罰俸兩個月如本官自行拏獲者免議至官員行鹽無術以至商販不前或不遵行食鹽舊例借端不行鹽者俱罰俸一年或苦累需索以致商販不前者降一級調用。

管鹽官失察場竈販私

一運使運同運判鹽場大使繫專管鹽務之員如竈丁販賣私鹽大使失於覺察者革職知情者革職交部治罪運同運判失察一次者降職二級失察二次者降職四級俱留任戴罪緝拏一年限滿無獲將運同運判等官罰俸一年

各帶原降之級緝拏。如又年限已滿不獲。運同運判仍罰俸一年。各帶所降之級緝拏。拏獲私鹽之日。俱準其開復。失察三次者。革職。運使失察一次者。降職一級。失察二次者。降職二級。失察三次者。降職三級。俱留任戴罪緝拏。一年限滿無獲。罰俸六個月。帶原降之級緝拏。如又年限已滿不獲。仍罰俸六個月。帶所降之級緝拏。拏獲私鹽之日。準其開復。失察四次者。降三級調用。

小夥私鹽議處

一。梟徒販私。並拒捕殺傷兵丁人等。不能擒獲。失察之該管

川縣吏目典史等並失事地方官失察一次者降職二級

失察二次者降職四級俱留任戴罪緝拏

一年限內拏獲一半以上者未

經拒捕之案準其開復繫拒捕傷人免其初參處分餘賊限一年緝拏不獲罰俸一年餘賊照案緝拏限滿

不獲罰俸一年各帶原降之級緝拏如又年限已滿不獲

仍罰俸一年各帶所降之級緝拏拏獲私鹽之日俱準其

開復失察三次者革職道府直隸州知州等官失察一次

者降職一級失察二次者降職二級失察三次者降職三

級俱留任戴罪緝拏

一年限內拏獲一半以上者未經拒捕傷人之案準其開復繫拒捕傷人

免其初參處分餘賊限一年緝拏不獲府州罰俸六個月道員罰俸三個月餘賊照案緝拏限滿不獲

罰俸六個月。各帶原降之級緝拏。如又年限已滿。仍罰俸六個月。帶所降之級緝拏。拏獲私鹽之日。俱準其開復。司上因屬員失察。帶所降之級緝拏。自行拏獲者。固應開復。若原參案內。所轄屬員降級之案。因拏獲私鹽開復。其本案之上司。亦準其開復。失察四次者。降三級調用。

大夥私鹽議處議敘

一。梟徒販私。聚眾十人以上。帶有軍器。失於覺察。或官兵巡拏人等。不能拏獲。間被殺傷。僅獲二三名者。專管官降二級留任。兼轄官罰俸一年。俱限一年緝拏。限內拏獲一半以上者。未經拒捕傷人之案。準其開復。繫拒捕傷人之案。將專管官。限滿降一級留任。拏獲之日。再行開復。兼轄官。罰俸一年。限滿

不獲專管官照所降之級調用。兼轄官降一級留任。本處並未掣獲。被別處掣獲者。將專管官降二級留任。三年無過開復。兼轄官罰俸一年。若別處雖掣獲。少一二人者。仍照例處分。地方官遇與販拒捕。不行擒拏。故爲疎縱。該督撫巡鹽御史查參。將該地方專管官革職。兼轄官降二級調用。凡與販拒捕。屬員失察故縱。上司徇庇不參。照徇庇例議處。如專管官一年內掣獲十人以上。帶有軍器。大夥私販。一次者紀錄一次。二次者紀錄二次。三次者加一級。四次者加二級。五次者不論俸滿卽陞。兼轄官一年內掣

考成
獲三次者。紀錄一次。六次者。紀錄二次。九次者。加一級。掣
獲次數多者。俱照次數加級紀錄。

失察私鹽過境

一。販私鹽梟。由他處入境。人鹽並獲。或掣獲過半者。免其處
分。餘犯照案緝拏。其有經由地方。並無販賣情事。經別處
發覺者。繫大夥。將地方專管官。罰俸一年。小夥。罰俸六個
月。

失察大夥私鹽

一。凡旗人兵民。聚衆十人以上。帶有軍器。與販私鹽。失於覺

察者將失事地方專管官革職兼轄官降二級俱留任限
一年緝拏獲一半以上者還其官級若不獲者照此例革
職降級該督撫巡鹽御史如有失察官員徇庇不行題參
照徇庇例議處專管官一年內拏獲十人以上帶有軍器
大夥私販一次者紀錄一次二次者紀錄二次三次者加
一級四次者加二級五次者不論俸滿卽陞兼轄官一年
內拏獲三次者紀錄一次六次者紀錄二次九次者加一
級拏獲次數多者俱照次數紀錄加級

拏獲興販私鹽

一。十人以上。帶有軍器。與販私鹽。失察各官。繫本處拏獲。一半者。照例免其處分。外其本處雖未拏獲。被別處全獲者。亦免其處分。若別處雖拏獲。少一二人者。仍照例處分。照失察大夥私鹽例處分。至限年緝拏之後。計未獲人數。拏獲一半以上者。將拏獲各官。原參降級革職。留任之案。準其開復。未經拏獲各官。仍照二參例處分。已經全獲者。不論何處拏獲。將原參各官。降革留任之案。準其一體開復。

大夥私鹽拒捕

一。私梟黨眾。官兵不能拏獲。或止獲二三名。及兵丁被殺傷者。專兼各官。俱免其處分。限一年緝獲。如不獲。仍照舊例

處分。

照失察大夥私鹽例處分。

故縱鹽梟上司容隱

一大夥典販聚衆拒捕及執持器械殺傷巡拏人等脫逃之梟徒照緝拏強盜例勒限嚴緝務獲按律擬罪倘有不行擒拏故爲疎縱情弊將該地方專管官革職兼轄官降二級調用如上司容隱不參將上司照徇庇例議處

失察小夥私鹽

一。典販私鹽該管吏目典史知州知縣等官失察一次者降職二級失察二次者降職四級俱留任戴罪緝拏一年限滿無獲罰俸一年各帶原降之級緝拏如又年限已滿不

獲仍罰俸一年。各帶所降之級緝拏。拏獲私鹽之日。俱準其開復。失察三次者。革職。道府直隸州知州等官。失察一次者。降職一級。失察二次者。降職二級。失察三次者。降職三級。俱留任戴罪緝拏。一年限滿無獲。罰俸六個月。各帶原降之級緝拏。又如年限已滿。不獲仍罰俸六個月。帶所降之級緝拏。拏獲私鹽之日。俱準其開復。上司因屬員失察。帶所降之級緝拏。自行拏獲者。因應開復。若原參案內所轄屬員降級之案。因拏獲私鹽開復。其本案之上司亦應準其開復。失察四次者。降三級調用。

小夥私鹽拒捕

一。梟徒販私。並拒捕殺傷兵丁人等。不能擒獲者。仍照例處

分。照失察小夥私鹽例。分別議處。全獲者免議。掣獲一半者。專兼統轄官。

俱免其處分。餘賊限一年緝拏。如一年內不獲。將專管官。

罰俸一年。兼轄官。罰俸六個月。統轄官。罰俸三個月。餘賊。

照案緝拏。

拏獲私梟過半免處疎防

一。販私鹽梟。由他處入境巡役緝拏。拒捕殺傷。或當場人鹽並獲。或於疎防限內。拏獲過半以上者。將事由據實呈報咨部。免其疎防處分。餘犯照案緝拏。其有大夥與販隱諱。

不報及人鹽並獲。輕爲開脫者。將專管官革職。兼轄官降二級調用。不知情者。均各照失察私鹽例處分。

糧船回空夾帶私鹽

一。凡關津過往回空糧船。如有夾帶私鹽貨。竄管船同知通判等官。知情故縱者。革職。不知情者。降三級調用。

鹽徒搶奪鬭鬧

一。嗣後如有聚衆販私。拒捕殺傷人等案。仍循舊例查參外。其有奸徒搶奪鹽店。及鬭鬧場竈等事。地方文武官弁。卽行拏獲。究出主使同夥。如獲犯過半。並獲首犯者。仍參疎

防照依盜案之例。免其處分。如獲犯不及一半。或不獲首犯者。照依盜案例參處。限年緝拏。限滿不獲。亦照盜案例處分。如平時漫無約束。臨事不卽擒拏。有意姑息。致長刁風者。卽將該管官并題參。照溺職例革職。各犯交與接任官照案緝拏。該管巡道府廳直隸州將備等。不行揭報。一并查參。如地方官并整飭有方。鹽引疏銷。私販斂跡。一年之內。並無應參之案者。準其紀錄一次。三年之內。整飭有方。鹽引疏銷。私販斂跡。並無應參之案。準其加一級。若有司希圖議敘。隱匿不報。或將大夥之案。捏作偶然湊合。巧

爲開脫者。一經查出。隱匿者。亦照盜案例革職。巧爲開脫者。照失出例處分。

給照販私

一。官員不能挈獲私煎。反給印照與販者。革職。上司徇情故縱者。降三級調用。失察者。降一級罰俸一年。

已撫鹽梟復行販私

一。已撫鹽梟復行販私。審實者。將本犯解部發遣。其出結之地方。專汛兼轄。及該管各官。俱照失察卦子例議處。

匿報鹽犯

。大夥私鹽必有爲首之人如該地方官明知不報事發時將匿報各官革職嚴加議罪。

平民混作私販查拏

。地方各官失察外省倚棍來境私販仍照定例處分。有能拏獲倚棍販私鹽千觔以上者將該管官核實題請紀錄如有不肖官員貪圖紀錄將貧難軍民肩挑背負易米度日之人及外省來貿易之平民混作私販倚棍查拏私用非刑害人致死者將該員照誣良爲盜例革職如未經致死者將該員降一級調用。

侵入私鹽贓物

一。地方各官。拏獲私販。務將人鹽數目。據實詳報。一切私鹽贓物。例應入官者。不得有一毫隱諱。如將所獲私鹽。侵入己橐。或與各役分肥。並大夥拒捕之案。從中漁私。將人鹽數目。以多報少者。將該管官弁。題參革職。計贓照枉法律治罪。其未曾侵匿者。照徇隱例議處。上司各官。知情故縱者。照徇庇劣員例議處。雖不知情。而未經揭參者。照不揭報劣員例。分別議處。

承審鹽犯不實

一。挈獲私鹽承審各官務先究明買自何人何地繫何場窰透漏有無窩頓之家。運往何處回賣並買鹽月日鹽劄數目。提集犯証並密提窰戶煎鹽火伏簿扇。審無誣攀確據。按照律例治罪。該管地方官場員分別何員失察將何員議處。不得聽該犯指供。含糊參處。倘承審各官不將誣攀情由審出。卽照不能審出盜賊誣攀良民例分別議處。如任犯狡供。仍以買自不知姓名率混具詳不能究出私鹽來歷及運往何處回賣實情者。革職。或聽其指供含糊請參草率完結者。照不取緊要口供例分別議處。

挈獲私鹽不照律治罪

一。收賣私鹽船載車裝馬馱絡繹應照無引私鹽律治罪。不得藉口買自店家。本屬官鹽。曲爲開脫。地方官挈獲私鹽。如作官鹽。杖責完案。照故出人罪律參處。

失察私鹽因公出境免議

一。私鹽經過境內。如有實繫因公出境之員。卽於查參案內。據實確查。聲明到部。準其免議。如並非因公出境。混行詳請者。降一級調用。該管上司。照未確察代請免議者。罰俸一年。

監斃鹽犯

一鹽犯除大夥與販持械拒捕有窩囤地棍賣私店主者仍照定限審結至貧窮老幼貧難男婦肩挑背負四十觔以下易米度日者例不緝捕毋庸監禁外其餘掣獲私鹽肩挑背負四十觔以上等犯易結之案該地方官將見獲之犯隨獲卽行審結其有遲延在四月內將人犯監斃者該鹽政會同督撫將遲延緣由咨部照承審官例議處倘再有任意不結拖累至四月之外以至一案監斃至三人一年監斃至二案者該鹽政會同督撫查參將州縣照獄官

監斃例議處

各省解餉官員。不許常令管解。以免熟識。通同滋弊。嗣後如不行更換。屢次管解。即將解員治罪。地方官議處。

凡道路村莊。劫失餉鞘。護送官革職。地方官革職留任。同城知府住俸。不同城知府免議。道員罰俸六個月。俱限一年緝拏。全獲開復。若限內獲賊過半。已獲盜首者。將地方官仍留任。同城知府降一級留任。道員罰俸一年。未獲賊犯。俱照案緝拏。倘逾限一年。獲賊不及過半。或過半而盜首無獲者。將地方官革任。同城知府降一級調用。未獲賊犯。

交與接任官照案緝拏。有加級紀錄俱準抵銷。如一經失事。鄰汛官員及地方官。卽能獲賊過半。已獲盜首者。將地方官並同城知府及該管道員俱免其處分。至劫失錢糧。交與該部照例行令分賠。

護送餉鞘官員如有失鞘。如不由大路。不執票赴營伍州縣挂號。撥兵護送。並分賠銀兩。限內不能賠補。及雖經分賠還項。而地方官尙未緝獲賊犯者。該解官革職之案。不準開復。如解官經由大道。執票挂號。所失錢糧。限內賠完者。俟該地方官獲賊之日。將解官一并題請開復。如賊犯雖

未緝獲該解官果能限內竭力將所失錢糧獨賠還項者革職之案亦準其開復。

鹽課銀兩起解京協各餉所需水脚向繫商人自備應用並不按站給與夫馬供應每逢起解之期巡鹽御史豫先移會前途督撫撥兵護送務由大路按站而行夜宿州縣照例撥給人夫巡守如有疎虞經過之地方文武各官照例分賠如巡鹽御史不移會督撫解官不知會地方官潛行小路致有疎失著落解官名下追賠解官不能完項卽著差委之上司賠補。

解餉失期地方文員分賠一半差委不慎之大員分賠三分
解員賠二分如解員不能賠補亦著差委之大員賠補武
員照例議處免其分賠

各省應徵鹽務雜款銀除河東之公務官錢未完向歸正課
并計分數參處應照舊辦理外其四川之羨餘長蘆之領
費告費山東之雜項公費兩浙之引規耗羨兩淮之耗羨
規費廣東潮橋各埠之公費場脚雜項廣西之秤頭鹽羨
土司餘鹽價羨俱繫年額應徵之項宜年清年款奏銷時
如有未完將經徵官均照雜項錢糧未完例議處

招商行鹽遲延鹽道暨州縣官罰俸。

順治十六年題準將領衛弁縱兵私販該州縣官緝拏揭報參處。

康熙四年題準經營鹽課官報明巡鹽御史查核完欠方許離任如有未完準其離任者御史降二級調用。

康熙六年戶部會議題準鹽差御史遇閏月之年令連閏在任十三個月爲一年差滿考核近差扣至十一個月報滿遠差扣至十個月報滿如無閏之年仍照舊例遵行。

康熙七年題準巡鹽御史所轄官員如有貪酷不時糾參外。

其舉劾一年一次。長蘆所轄方面官三十七員。應薦一員。有司三百四十四員。應薦五員。如但有薦舉而無參劾者。將所薦之官不準。如薦舉過額。及濫舉貪酷官員。並不干鹽政而舉者。或有錢糧盜案未結而舉者。照例分別降調。康熙七年。題準。州縣衛所官。勒令百姓買引。私派戶口銷鹽者。革職。司道府都司。不察報巡鹽御史失於覺察。照例議處。

康熙九年。戶部議準。僉都御史陳一炳條奏。巡鹽御史。道司分司。州縣等各官任內。徵收鹽課虧額者。仍照考成定例。

處分其全清及溢額議敘紀錄加級俱行停止。

康熙十年題準京城及采育營地方引鹽向由崇文門監督徵收嗣後責成大宛二縣行銷與各州縣一例考成。

康熙十五年題準各官該管界內有私煎販賣者繫伊衙役革職繫軍民人等降調如旗人私煎販賣者本主自行挈獲者免議。

康熙十五年題準長蘆運同運判首領屬官止從本衙門運使注考徑送撫按。舊志載舊例鹽運使考語照各道官例今布按二司與注運同運判及首領屬官令各衙門正官考核至布按二司覆考申送督撫。

康熙十七年題準。大夥賣販私鹽至十人以上。帶有軍器。專汛官徇縱不拏者。革職兼轄官降二級調用。失察者。專汛官革職留任。兼轄官降二級留任。皆限一年緝拏。獲半卽準開復。限滿不獲。專汛官革任。兼轄官降二級調用。其本汛雖未拏獲。經別汛全獲。亦免議。不全獲者。仍照例議處。又議準。官弁一年內拏獲十人以上。帶有軍器。大夥私鹽者。一起紀錄一次。二起紀錄二次。三起加一級。四起加二級。至五起者。不論俸滿卽陞。兼轄官視其所屬。一年內有拏獲三起者。紀錄一次。六起紀錄二次。九起加一級。再有

多者照此遞加。

康熙十七年議準。凡商人藉引多帶私鹽販賣。並回空糧船夾帶私鹽查獲者。俱照律治罪。巡鹽御史嚴飭所屬各官。上緊緝拏。如仍前疎縱。卽行題參。如御史不行題參。被科道糾參。或被旁人出首者。將御史一并從重議處。

康熙二十二年題準。凡私鹽經沿途官兵捕快盤獲者。徇縱之場官及失察官。一并議處。

康熙二十八年議準。私梟全獲。沿途失察武職免議。

康熙二十八年議準。武職拏獲別汛私梟者。準予議敘。

康熙三十三年。議覆。運丁挾帶私鹽。沿途各官失察。誑稱出境者。降調。

雍正元年。遵

旨議定。管鹽務官。貪劣事實。或被督撫科道糾參。審確者。將不參之巡鹽御史。及不報之運使等官。皆照督撫司道例。分別處分。如巡鹽御史。將伊所屬管鹽貪劣官題參。與督撫司道無涉。免其議處。如將清廉之官。屈爲貪劣。題參審虛者。將原報之運使等官。各降二級調用。巡鹽御史降一級調用。

雍正元年吏部題定嗣後大計之期其不入舉劾之各官知州知縣運同運判繫經徵錢糧之員注其管收除在實數若干委無虧空居官注其操守才具若何年力政事若何該管上司遵照新頒考語冊式出具並無虧空印結報部雍正七年八月戶部劄付先據護理兩淮鹽政布政使高斌呈稱催徵錢糧各官奉文議處之後若將未完錢糧照數通完其原議革職留任及降職降俸與夫停陞戴罪督催之案俱應題請開復若止奉議罰俸而無停陞督催之案者其原參錢糧後雖通完所奉議罰之條仍應完解並無

可以開復之處。乃鹽課案內。此等罰俸之官。於錢糧通完之後。亦皆具題開復。以後似應照地丁等案。見行事例。將續解通完銀兩。於年限案內。彙冊報部。庶奉行畫一。擬合咨部。本部以鹽課項下罰俸之官。錢糧通完之後。可否照地丁見行事例。免其具題開復之處。事隸吏部。應移咨吏部查議。今準吏部咨稱。鹽課錢糧未完各官。或議處降俸降職。並停陞戴罪督催者。如參後全完。仍照地丁等案。具題開復。若初參止以罰俸議結。續報全完者。俱應照地丁等案例。免其具題。仍令該員將罰俸銀兩完解。於年限內

彙冊咨報戶部核明移咨本部銷案相應知照護兩淮鹽政并行文各鹽差一井查照。

雍正十年長蘆運使彭家屏詳稱各省場竈錢糧例由分司督催場員徵解獨長蘆參差不齊有由分司督催轉解有由場員徑解不由分司督催更有俸糧一項不獨分司無督催之責卽場員亦無經徵完欠考成獨在運司考成之內擬請嗣後奏銷時將各場等銀總算十分爲率俱繫場員經徵分司轉解如不足數場員一例參處分司照督催例參處運司合商竈課總計分數參處再定例鹽課未完

被參後經徵之大使限一年全完督催之分司限年牛全完限內不完照州縣官地丁錢糧例處分獨長蘆青滄兩分司督催竈課初參後亦限一年全完如有不完卽復參處是分司督催之限同於大使經徵於例不符請咨明大部查照成例分司二參之限仍照一年半扣算查參經巡鹽御史鄂禮呈請部示覆定遵行。

乾隆六年奏準失察小夥私鹽降級留任各官限一年緝拏限滿無獲專汛官罰俸一年兼轄官罰俸六月各帶所降之級再限一年緝拏限滿無獲專汛官再罰俸一年兼轄

官再罰俸六月。各帶所降之級。鹽犯照案緝拏。

乾隆六年三月。部覆兩淮鹽政。準泰議奏。積慣梟徒串同奸竈。與販私鹽。及被獲到官。每不將賣鹽竈戶。據實供出。反將殷實良善之人。任意誣扳。藉端索詐。而承審各官。聽其狡飾。不爲窮究。含混完結。以致積梟奸竈。兩無顧忌。請申嚴定例。再行通飭。應如所題。再行通飭各州縣。嗣後審理鹽案。務究明來歷。私鹽是何場竈。買自何人。嚴提究擬。如緊誣扳。將被誣之人。卽行釋放。其誣扳之鹽犯。照例加等治罪。并嚴飭各分司場員。再行明白曉諭。十家牌內。實力

稽察一有私販卽行首明如敢窩藏隱匿或經審出或被
旁人告發卽照例治罪如承審各官聽其狡飾含混完結
者卽按鹽犯罪之輕重照不取緊要口供例分別議處

乾隆十一年十二月二十二日刑部議準兩淮鹽政吉慶條
奏從前商竈有事關鹽法催征折價稽查火伏亭場草蕩
緝私等爭訟事件許該場大使就近準理自行完結遇有
重大案仍詳明分司運司核結如商竈赴運司各衙門具
控之案亦酌量批行場員辦理惟命盜賭博姦拐匪竊關
毆打降私宰私鑄以及海洋商漁透漏米鹽一應案件及

民竈互控之案俱歸地方官查辦場員不得干預誠以命盜重情原非大使所應審茲該鹽政吉奏稱場竈多有賭博姦匪鬪毆等事地方官距場遼遠遂致作奸犯科釀成大案嗣後應準該場大使先行申禁約束一有干犯立即就近查拏移送地方官審理并將拏送情由報明運使查核不得混行提拏無干之人借端滋事致干議處該場員與有司原屬一體場員拏獲賭博奸匪等案照文武官拏獲私鑄賭具互免失察處分等因奉

旨依議欽此

乾隆十三年四月部覆湖南巡撫楊錫綬奏爲請酌題請開復之例以一體制一摺查各省正雜錢糧續報徵完案內或有咨請免議者或有題請免議者辦理均不畫一是以戶部於雍正十二年十月內奏請將本年奏銷錢糧未完各官如參後續報徵完經部議覆奉

旨該省已接準部文者該督撫將該員議處之案題請開復若參後續完未經題覆該督撫咨文報部卽於本案奏銷內扣除免議已經奉

旨開復通行遵照在案但續報全完案內有見任去任之不同大

員微員之各異。若因零星錢糧。一槩題結。未免紛擾。嗣後續報全完。如一案之內。既有見任及大員。必須具題。自應將去任並佐雜等官。已完錢糧。仍照例附入題本。聲明。若僅止去任及佐雜微員。應準其照未經議覆行文之例。將已完錢糧數目。止用咨文報明戶部。至該撫奏稱另案革職。則已無可開復。而佐雜之員。陞調但止咨部。則開復似亦止應咨部。不必一槩具題。查另案參革人員。如有續報全完。原參議處之案。原應毋庸開復。至於佐雜微員開復。例止咨部辦理。應如所請。嗣後錢糧未完案內各官。續報

全完如繫另案革職以及佐雜微員毋庸概行具題。止用咨文報明戶部核明轉咨吏部查辦。

乾隆十四年奏準天津阿城淮安儀徵等處原繫產鹽地方該督撫轉飭地方營汛官弁於糧船經過之時嚴行稽察舵丁水手應需食鹽每船總不許出四十觔之外如不實力稽察以致舵丁水手夾帶過四十觔以外者運官照例議處該營汛官弁罰俸六月。

乾隆十六年議準各省武職官弁經上司委辦鹽務卽有緝私疏引之責遇失察大小私鹽將承辦官照專汛例議處

總辦官照兼轄例議處如掣獲大夥私鹽照所獲起數分別議敘

乾隆十七年覆準巡鹽御史吉慶奏以督銷州縣因引可通融視同膜外請將銷引未完州縣雖鹽已代銷仍按其未完分數察參於次年詳覈以原參分數爲準如比上年多銷一分卽準題請開復如不能多銷或更不及上年分數者除不準開復外仍按本年未完分數參處統俟次年比較多則均行開復少則仍令戴罪督銷其已銷至八分以上代銷僅一二分者免議

乾隆四十三年。吏部兵部刑部議準。兩江總督高晉等會奏。
墮銷鹽觔處分。未完四分以上。仍照舊例辦理外。其五分
以上。舊例降職二級者。改爲降二級調用。六分以上。舊例
降職三級者。改爲降三級調用。七分以上。舊例降職四級
者。改爲降四級調用。不準融銷開復。其墮銷引鹽。議以降
級調用之員。任內有軍功錢糧加級紀錄者。準其抵銷。至
別項級紀。仍不準議抵。巡緝私鹽標弁。應分勤惰酌予敘
罰。以專責成。如有獲私至四千觔以上者。準其留巡一次。
如半年期內。能緝獲大夥私鹽。久慣窩頓。並積算鹽觔在

一萬觔以上者遇缺先行補用。兵役加倍賞給。其半年期內漏私至四千觔者降一級留任。四千觔以上者降一級調用。一萬觔以上者革職。兵役嚴行究處。并於標弁巡滿時積算漏私觔數咨報兵部以憑分別查議。倘事後發覺該督卽於案內聲明附參。送部辦理。其派出巡鹽員弁姓名仍令該督備造清冊。送部存案備核。倘有大夥梟徒如嶧縣鹽城拒捕傷差之案。卽將包庇之兵役從重問擬斬候。私售之竈丁。及窩頓之匪犯。一體擬發伊犁烏魯木齊等處爲奴。載入例冊永遠遵行。

緝私

凡無引而私行及越禁私販者有禁民或犯令由地方文武官緝治之疎縱者論若老弱孤獨擔負四十觔以下者免議

私鹽變價

一。地方拏獲私鹽照本地官鹽價值交商一律變價入官毋許胥役領賣滋弊所獲馬騾牛驢分上中下三等交州縣變價騾每頭八兩七兩六兩馬每匹七兩六兩五兩如延牛每隻六兩五兩四兩驢每頭五兩四兩三兩挨不變以致倒斃者著落州縣官照中等價值賠補車船

等物照時價變解。州縣侵漁捏報照侵盜錢糧例處分。承變遲延照本例處分。仍於每年底分晰報部查核。

脾鹽

一、各省附近場竈貧民年六十以上十五以下及壯歲有殘疾並婦女年老孤獨無依者準報明該地方官驗實註冊給以印烙腰牌木籌許其每人每日挑賣鹽四十觔仍止準行陸路不準船載其長蘆之灤州遷安樂亭豐潤寧河盧龍撫寧昌黎天津靜海滄州鹽山等十三州縣老少貧民每名日給制錢二十四文錢文俱繫商捐給領

各省巡緝私鹽均責成專汛及鄰汛額缺員弁經營不得另派候補人員或營汛遼濶本汛相距遙遠又無附近鄰汛可委勢須派員巡查者其所派額缺千把以及經制外委準其按照委弁品級并巡查地方遠近日期久暫於鹽規銀內酌給盤費銀兩以資辦公

一、直隸省天津鎮標等營歲給派撥巡鹽兵丁盤費公食銀三千二百二十三兩二錢修理巡船工料等銀二百二十四兩靜海營月給派撥巡鹽兵丁薪水銀一百一十五兩均於鹽規銀內分別動用造冊報銷

順治十七年。覆準口外鹽不許侵入長蘆行鹽之地。如有違越。照私鹽參處。

康熙五年。題準天津大沽鹽船出口。巡鹽御史印給號票。填明人數。地方防汛官查驗放行。如無印票。及人數不符。并帶違禁貨物者。拏獲治罪。地方文武官疎縱者。照所定出境例處分。

康熙六年。直隸巡鹽御史會題。長蘆鹽船由海運鹽。據司道會查。裝鹽船隻。別無小河可通。必從天津大沽出口。山海邊行走。請仍照順治十三年兵部覆準之例。令船戶領巡

鹽御史印票赴海防大沽營驗明出入。船到東省。令海豐縣掛號。并會東省河口汛防官兵巡檢司驗放。違者治以重罪。則海禁與鹽課均兩無貽悞。下部議行。奉

旨依議。這裝運鹽觔。如有人船多於定數。及鹽觔之外。違禁夾帶貨物等弊。將地方各官與所議各官。一併從重治罪。

康熙九年。題準。凡旗人販賣私鹽。照例治罪外。其主繫官罰俸。繫平人鞭責。佐領內管領。驍騎校。罰俸。領催屯長。鞭責。其馬場牧人。有犯私鹽者。營總參領等。皆罰俸。領催等各鞭責。

康熙九年。準巡鹽御史李棠羅璧等題。州縣額設私鹽銀兩。原因行鹽地方。恐有私販。巡役賄放。每年科以額獲私鹽若干。爲前御史續支造冊奏銷。心紅紙張。各役工食。商人獎賞。並賑濟貧生孤民。修理船隻衙署。抵解更名食鹽變價等用。雖有懸設之額。未敷所支之數。原未報部。理合奉裁。嗣後如有見獲私鹽銀兩。報解州縣。如有私徵者。該御史指參議處。額設私鹽獲免。始此。

康熙十六年。劣衿張大壯等。包管陳村私煎鹽觔。共得贓銀一百七十兩。刑部等衙門議定。包管私煎鹽觔。律無正條。

合比照凡私煎貨賣者同私鹽法杖一百徒三年折責四十板餘依律治罪。

康熙十八年題準凡私鹽經沿途官兵捕快盤獲者徇縱場官及失察官一并參處。

康熙二十七年商河縣楊會尹九人販私拒捕射死一人傷五人議照十人以下原無兵杖遇有拒捕因而傷至二人以上律爲首擬斬下手人擬絞未下手人充軍著爲令。

康熙三十年河南巡撫閻興邦疏稱巡緝私鹽例有專責在官則有州縣印捕專汛營弁等官在役則有鹽捕弓兵等

人。至於道臣。所以督率州縣緝私銷引。未有差人遠住隔省巡緝之例。應行禁止。議行。

康熙三十年。獲準巡緝私鹽。原繫運使專責。令在所轄地方巡緝私鹽。毋許差人別往地方巡緝。藉端生事。擾害地方。挾制有司。

康熙三十七年。靜海縣知縣鍾尙志。一次捉獲私鹽船隻。隱匿七月不報。同知郭鳳起始行申詳。都察院衙門議準。該員將私販鹽徒縱放。而所獲之鹽。欲行入己。情弊顯然。應將鍾尙志照例革職究擬。

康熙三十九年。總督阿山疏稱。私販拒捕。若兵丁有被殺傷。專汛官卽罹重譴。則人皆自顧功名性命。所以反生懈心。請嗣後巡緝大夥鹽徒。有能人鹽全獲者。卽與巡鹽御史酌量捐賞。設遇私梟黨衆。反被殺傷。專兼各官從寬概予免議。其有縱私不擒者。仍定嚴法繩之。兵部等衙門議定。大夥鹽徒。不能全獲。或止獲二三名。及兵丁反被殺傷者。專汛兼轄各官。免其處分。限一年緝獲。如不獲。仍照舊例處分。

康熙四十二年。香河縣李四等。興販私鹽。拒捕射殺巡役。直

隸巡撫審擬分別斬徒杖罪。三法司以初供同夥十四人而該撫謂傳大等五犯非此案同夥止照十人以下律圖卸地方官處分。應再行嚴訊確擬從之。

康熙四十六年。覆準。私販致礙官引。皆繫積梟巨固所致。嗣後鹽法衙門將私販之徒。準其用刑拷訊。除正罪外。其餘不得濫用刑訊。

康熙四十六年。覆準。巡鹽御史到任。差人坐落各場。名爲緝私。實卽射利。急行裁革。

康熙四十六年。覆準。私鹽之充斥。皆由總商不革。官自爲私。

各賣已鹽以圖一時之利。令將總商革去。違者該督撫卽行指參。

康熙四十九年。天津都司張裕。兵丁家人開店販私。被獲革職嚴審究擬。

雍正元年。巡鹽御史莽鵠立遵

旨。會議疏言。直省私鹽。其始不過希圖小利。原無強橫。迨至日久。利之所在。卽有地方光棍。出爲幫頭。或稱將頭。將人鹽囤入村莊。按戶灑派。約時收價。肆行無忌。人愈衆而鹽愈多。地方文武官雖有巡緝之名。實有莫可如何之勢。必嚴飭

地方官密訪爲首之人。務獲重處。餘皆開釋。旣無領袖之人。則鹽徒之勢孤。而緝獲易。再肩挑背負。不在禁例。原指人少而言。近則男女絡繹。雖止挑負。而亦虧鹽課。宜嚴拏杖責。私鹽入官。至於竈戶誘致鹽徒。賤賣偷利。應交鹽政衙門設法嚴禁。從之。

雍正二年。議準。販賣私鹽。交與地方官。不時嚴加察緝。除奇零肩賣者。不必緝拏。倘有大夥鹽梟。督撫會同將軍。撥旗兵協捕。其私販爲首之人。與裝載私鹽之船戶。拏獲一同治罪。拏獲及出首之人。照鹽數議敘。

雍正二年議準。如有積梟藉稱貧民。將私鹽潛行窩囤。與販貿易者。令地方官弁及鹽政衙門。一同稽察。

雍正二年。直隸巡撫李維鈞疏稱。天津南至滄州灘場。惟靜海縣屬之四黨口。爲私販出沒要路。應撥撫標下守備一員。把總一員移駐。於保定在城三營內撥馬步兵五十名。天津標下撥馬步兵五十名。歸守備管轄。一年更替。私鹽由此而出。而人鹽不能並獲者。備弁照失察私鹽例參處。倘能於三年內無一私販。請以應陞之缺。卽用。又山東交界之鹽山縣屬高家灣。爲鹽梟越販之區。請撥天津鎮標

就近營汛駐巡。又稱直隸私鹽多由南場賣出。官役分肥。嗣後必須究其買自何場。即將該場大小各官參處。又烏鎗歷奉嚴禁。但巡役數人。僅執棍棒。倘遇夥衆私販。持械拒捕。斷難捍禦。卽商人運賣鹽價亦須防護。不能一體禁用。應令鹽法道編號烙印。按名給執。該營汛官點驗。下部議行。

雍正五年。議準。天津駐劄水師營官兵所食鹽。商人將就近灘場生鹽百包運至該處。交與該同知呈明都統。按名分給。以濟官兵食鹽。每包定價銀五錢。其鹽價銀兩。官兵

初到令該同知於俸餉內照數扣交鹽法道庫至明歲官兵駐劄已定令該御史照依天津附近軍民食鹽之例行文該都統將官兵水手人等查明戶口若干應用鹽飭若干造具清冊飭令分司聽其自備鹽價買食如有不肖兵丁混雜灘場偷竊以及串通商人夾帶行私等弊該御史卽行查拏治罪。按今水師駐防已裁撤

乾隆元年總督李衛鹽政三保會題準天津青縣靜海滄州鹽山等十三州縣近海地方實在貧民年六十以上十五以下少壯之有殘疾婦女之老而孤獨者各赴本地方官

報名給牌。日許往來灘竈買鹽四十觔。皆負在本境無引鹽地方。售買餉口。其津城內外菜鹽名色永遠革除。

乾隆元年。總督李衛以巡獲私鹽等物。俱應入官。值嚴寒。巡兵深夜往來。非飽煖難以責其實力奉行。敕令冬季以一半賞給原挈兵丁。至三月天煖。仍照定例遵行。

乾隆四年。議準。巡鹽御史安寧奏請。於嚴鎮場西南一帶荒窪小路。梟販出沒地方。自賣家莊至邊兒莊。共十二村。每處設灘役五名。巡邏捍禦。

乾隆九年。覆準。河南巡撫碩色議奏。按察使王丕烈條奏。河

南省礮底小鹽請定禁例一案查豫省地內有礮土硝土鹽土之不同皆成土鹽大概產於旱天瘠地隨處俱有噫見無定乃天地自然之利應只許其自行食用不許公行煎販貨賣并取具地方官并無私販私煎印結送部查覈乾隆九年十一月巡鹽御史伊拉齊疏言灤州遷安樂亭豐潤寧河五州縣引地自設貪販以來奸徒收賣牌鹽私販充斥官引難銷况場竈遠近不齊遠者二三日始獲負鹽一次不敷往來食用設遇寒暑風雪雖欲負鹽勢所不能因而奸徒勾通於附近偏僻之處用賤價收買窩囤或藉

老少名目重複混買或串猾竈盜私茲據灤州知州等議詳停止老少牌鹽照間省例加倍折給錢文按口日給大制錢二十四文飭商捐交貯庫每月朔散給此外設有貧販之天津等八州縣亦據商呈請一例折給錢文經部議會同總督議行其天津等八州縣內除天津縣額引已附靜海代銷城鄉村鎮向來俱食牌鹽仍聽照舊辦理。

乾隆十二年巡鹽御史伊拉齊奏定盧龍撫寧昌黎三縣老少貧販照依灤州遷安等屬一例停止買賣飭各該縣查各老少名口每日商人捐給大制錢二十四文

乾隆十四年巡鹽御史麗柱以三四月灘鹽正旺巡獲私鹽等物議均照半給賞

乾隆十六年運使盧見曾以各營獲報鹽案有鹽無犯者十有八九是非賄縱卽止圖獲鹽邀賞不實力擒捕詳請隨時制宜另立章程人鹽俱獲照例分半賞給其有鹽無犯者無庸分賞經巡鹽御史高斌批此項賞賚由來已久一旦議停恐致懈弛若仍舊例又漫無區別復經議詳獲鹽不獲犯者以四分之一賞給

乾隆十七年覆準長蘆商雇巡役飭令各該州縣詳察實在

需役若干。定爲額數。老病者更換。病故者選補。不必分隸。營汛佐雜衙門。統歸該州縣管束。以專責成。以資巡緝。不許給票專差。以致生事擾民。其商雇看守灘坵人役。歸各該場員就近管轄。

乾隆十七年。議準。天津靜海青滄鹽山五州縣。因有牌鹽。遂至影射。應將見在牌鹽。盡行裁汰。察定額數。取具鄰里甘結。加具印結。開造花名年貌清冊。送總督鹽政衙門存案。照灤州等州縣例。每名日給制錢二十四文。天津縣額引七百道。飭商照例行銷。以濟民食。

乾隆二十八年天津鎮報部派撥務關營額外外委一員守兵五名寶坻營存城守兵五名駐新河巡緝南海灘鹽歸北塘汛額兵內

乾隆三十四年巡鹽御史高誠奏稱州縣挈獲私鹽例應交商變價祇因例準減價售賣是以州縣官不將私鹽交商一任胥役領賣侵漁中飽應請概照本地官鹽價值交商變賣入官其牲畜價值今昔不同原議騾每頭價銀四兩五兩六兩馬每匹價銀三兩四兩五兩牛每隻價銀二兩三兩四兩驢每頭價銀一兩二兩三兩較今時價未免過

少應請每等酌加銀二兩。至於車船等項務照新舊大小依時價據實報解。統於年底分晰細數詳報查覈。均下部議行。至所稱牲畜車船等物運使勢難逐案親驗。請令本管知府親驗。及委派丞倅前往估計。仍由知府通詳直隸州屬。由州估報其自理之案。詳明本道委員估計。由本道通詳之處。不特事近煩瑣於政體未協。且恐州縣慮上司過往之煩。或轉朦朧詳報。希圖省事。是抵換侵漁之弊。未卽盡除。而捏改案情之弊。恐由此啟。殊非覈實之意。應毋庸議。

庸議

乾隆四十一年。鹽犯擬徒。向由外結。奉刑部議定。外省徒犯案件。有關人命者。均照軍流例。解臬司審轉。督撫專案咨部。其尋常徒罪。於批結後。敘供按季報部。不得自結。經按察司運司會詳。嗣後一切私鹽案件。罪止枷杖者。仍由按察司運司覆詳鹽政批結。其鹽變銀兩。仍歸本司鹽運司收報外。其一切擬徒鹽犯。歸按察司運司審勘。詳督批結。按季彙冊報部。所獲私鹽變價銀兩。亦照斬絞軍流例。解歸藩庫收報。摘敘案由。造冊送鹽院題咨充餉。

乾隆四十九年。兵部覆準。長蘆引商。從前設立烏鎗。護解鹽

課及撥給灘坵。嚇禁賊匪。在所必需。非民間私鑄可比。不
必禁斷。仍照舊編號註冊。歲底報覈。

乾隆四十九年。總督劉戡奉

旨查禁武職緝私鹽規。覆奏稱。天津鎮向於運庫支領養廉銀二
千六百兩。已於議給武職養廉案內停支。存貯運庫。另行
撥用。又號禮銀二百二十四兩。前任總兵祖尚德奏明歸
公。排造巡鹽快船二十二隻。歲支修船銀八十八兩。解司
充公銀一百一十二兩。餘銀二十四兩。爲解司銀兩添平
火耗之用。又天津鎮標兵丁。歲支巡鹽盤費銀一千六百

八十一兩零。闖查盤費銀一百兩。又祁口汛歲支巡鹽盤費銀一百四十二兩。靜海營歲支巡鹽盤費銀一百一十五兩。四黨口歲支巡鹽盤費銀一千三百兩。均繫商衆願捐運庫支領。經分晰造冊咨請留給。并無重支需索等弊。